


উপবাস ।



শ্রীযুক্ত রায় যদুনাথ মজুমদার বাহাদুর

এম, এ, বি, এল, কর্তৃক

প্রণীত ।

যশোহর


হিন্দু-পত্রিকা-প্রেসে

শ্রীকালীপ্রসন্ন চট্টোপাধ্যায় দ্বারা

মুদ্রিত ও প্রকাশিত ।

শকাব্দাঃ ১৮৩৩ ।

উপবাস ১



পূর্বে জ্বর হইলে কবিরাজ মহাশয়েরা "লজ্বন"ই ব্যবস্থা করিতেন। "জরাদৌ লজ্বনং পথাং জরাস্তে লঘুভোজনং।" মে দিন এখন গিয়াছে; এখন কবিরাজের রাজত্ব গিয়া ডাক্তারের রাজত্ব হইয়াছে। তাঁহারা vitality বা জীবনী-শক্তির জন্ত চিন্তিত। অনাহারে জীবনী শক্তির হ্রাস হইবে, এই তাঁহাদের ভয়। কবিরাজ মহাশয়েরাও শাস্ত্রের আদেশ উপেক্ষা করিয়া, দেশ-কাল-পাত্রানুসারে ডাক্তার বাবুদেরই অনুকরণ করিতেছেন। সুর কিন্তু ফিরিতেছে! পাশ্চাত্য চিকিৎসাব্যবসায়িগণ ইদানীং উপবাসের ভূয়সী প্রশংসা করিতেছেন; সুতরাং অবস্থা বিশেষে উপবাসই যে স্বাস্থ্যরক্ষার প্রধান উপায়, তাহা পুনর্বার এদেশের লোক বুঝিবেন বলিয়া আশা করা যায়।

বর্তমানে দেশ যেরূপ দরিদ্র, তাহাতে উপবাস অভ্যাস করিলে, অর্থচিন্তারও অনেক লাঘব হইবে, এ বিষয়ে সন্দেহ নাই। একথা উপহাসচ্ছলে বলিতেছি না, ঠিক মনের কথা বলিতেছি। অন্ততঃ দুইটা একাদশী আর অমাবস্যা-পূর্ণিমার যদি উপবাস করা যায়, তাহা হইলে বৎসরে

প্রত্যেক ব্যক্তির দেড় মাসের অধিক কালের আহারের ব্যয় বাঁচিয়া গেল। ইহাতে সকলের বাৎসরিক ব্যয়ের অষ্টমাংশ বাঁচিল, অর্থাৎ শতকরা প্রায় ১২ টাকা বাঁচিয়া গেল।

উপবাসে দরিদ্রের যেরূপ উপকার, ধনীরও তদ্রূপ; তাঁহার ধন ক্রমশঃ বৃদ্ধি পাইবে। রূপণের পক্ষে উপবাস উপযোগী, দাতার পক্ষেও তাহাই। ইহা দ্বারা দাতা দান করার অধিক সুবিধা পাঠবেন।

টাকা বাঁচাইবার জন্য, উপবাস করিয়া শরীরকে অনর্থক কষ্ট দিব কেন? এ প্রশ্নের উত্তর এই যে—উপবাসের দ্বারা শরীরের কোন অপকার হয় না, কিন্তু বিশেষ উপকারই হয়। একেবারে উপবাস না করিলেই বরং শরীরের অপকার হয়।

আমাদের যে কোন ব্যাধি, তাহা প্রায়শঃ আমাদের অজীর্ণ-রস-সমুদ্ভূত; আমাদের প্রাচীন ঋষিরা ইহা উচ্চ-কণ্ঠে আয়ুর্বেদশাস্ত্রে ঘোষণা করিয়া গিয়াছেন। “অপক্কামরসং দোষবৈষম্যং রোগকারণম্।” দেহীর দেহে রোগাক্রমণের নিদানতত্ত্বালোচনায় বলা হইয়াছে যে, অপক্ক আমরস দ্বারা ই দেহে দোষবৈষম্য অর্থাৎ বায়ু-পিত্ত-কফ, এই ত্রিদোষের বৈষম্য (অগামজ্ঞস) রোগের কারণ হয়। পাশ্চাত্য চিকিৎসকেরাও ক্রমশঃ এই সত্যের উপলব্ধি করিতেছেন।

আমরা যে বাহাই খাই, আমিষভোজীই হই বা নিরামিষভোজীই হই, তাহা ভাল ভাবে জীর্ণ না হইলে, অজীর্ণ-রস সর্ব-শরীরে সঞ্চারিত হয়; উহাই আমাদের সর্ববিধ ব্যাধির কারণ। আজ কাল Dyspepsia এবং Diabetes

উপবাস ।

৩

যা অল্প ও বহুমাত্র রোগের বড়ই বাড়াবাড়ি দেখা যায় । অতিরিক্ত ভোজনই উহার কারণ । অজীর্ণ রস আগাদের শরীরের যে যন্ত্র অধিক পরিমাণে সংক্রান্ত হয়, সেই যন্ত্রই রোগাক্রান্ত হয় । অনেক রোগ-বীজ অত্র শরীর হইতে আমাদের শরীরে সংক্রামিত হয় বটে, কিন্তু নিজের শরীর সম্পূর্ণ সুস্থ থাকিলে, বাহ্যিক শরীরে প্রবেশ করিলেও কোন ক্ষতি করিতে পারে না ; যদিও করে, সে অতি সামান্য ভাবে, সাংঘাতিক ভাবে নয় । উপবাসে কোন ভয় নাই । সপ্তাহে একবার করিয়া প্রতি রবিবারে উপবাস করিয়া দেখ । একদিন না খাইলে ত আর মরিবে না-ভাই ! দেখ, শরীর সেদিন পূর্বাৎমুখী ভাল থাকে কিনা । উপবাসের দিন অমৃতঃ দুইবার স্নান করিবে ; উষায় ও মধ্যাহ্নে অথবা মধ্যাহ্নে ও অপরাহ্নে । আর একবারে নিরসু উপবাস না করিয়া, হতবার ইচ্ছা—বিপুল জল পান কর, খাইবে । উপবাসের দিন—অর্থাৎ ২৪ ঘণ্টার মধ্যে জল বাতীত আর কিছুই খাইবে না । সুফল হাতে হাতে পাইবে ; দেখিবে—পেট পরিষ্কার হইয়াছে, জিহ্বা পরিষ্কার হইয়াছে, গাত্রে ‘ঘিন্ ঘিন্ ভাব’ নাই, ভার বোধ নাই, অলসতা নাই, কার্য করিতে অনিচ্ছা নাই ; শরীর লঘু হইবে, মনে ক্ষুধা ও শান্তি আসিবে । আয়ুর্বেদশাস্ত্র উপবাসের উপকারিতা-বর্ণনে বলিয়াছেন,—

‘অনবস্থিতদোষাশ্চৈলভ্যনং দোষপাচনং ।

অল্পং দীপনং কাজ্জাকচিলাঘবপ্রাণকম্ ॥’

অর্থাৎ অগ্নির অনবস্থিততায় যে অজীর্ণ-রসরূপ দোষ

এবং তজ্জনিত বায়ু-পিত্ত-কফের বৈষম্যরূপ দোষ জন্মে, উপবাসে সেই রসের বিকৃতিক্রম দোষের পরিপাক বা প্রকৃতিস্থতা হয়। উপবাস জ্বরনাশক, জঠরাগ্নির উদ্দীপক, কার্যো আগ্রহ ও উৎসাহ-জনক। উপবাসে আহারে রুচি বর্দ্ধিত হয়, আহার্যের আশ্বাদ মধুরতর বোধ হয়, শরীর লঘু—অর্থাৎ ‘খট্খটে—বর্ঝরে’ হয় এবং উহা ‘প্রাণদ’ অর্থাৎ জীবনীশক্তির বর্দ্ধক। নিশ্চয় জানিবেন, সিদ্ধর্ষি আয়ুর্বেদাচার্য্যগণের এই উপবাস-গুণ-বর্ণনে একটুও অতুক্তি নাই। যদি ভগবানে বিশ্বাস থাকে, তবে উপবাসের দিন নিজেদের প্রীতি অনুসারে, যে ভাবে হটুক তাঁহার উপাসনা করিবে। ইহাতে ‘সোণার সোহাগা’ দেওয়া হইবে। তুমি যদি সুস্থ থাক, তাহা হইলে আরও সুস্থ হইবে; যদি রোগযুক্ত থাক, তবে রোগযুক্ত হইবে। তুমি যে কোন কঠিন রোগেই আক্রান্ত থাক না, দেখিবে, উহার অনেক উপশম হইয়াছে। ক্রমে সম্ভ্রাহে এইরূপ হুইবার উপবাস করিবে এবং পরিবারস্থ সকলকে উপবাস করাইবে। ইহাতে ডাক্তারের খরচ প্রায় বাঁচিয়া যাইবে; সেটাও কম লাভ নয়। এতদ্ব্যতীত প্রতি মাসে একতৃতীয়াংশ ‘খাই-খরচ’ বাঁচিয়া গেল। এর সঙ্গে অমাবস্যা, পূর্ণিমা, একাদশী যোগ দিলে, আরও ৪ দিনের খরচ বাঁচিয়া গেল। তবে অনেক সময় রবিবারে ঐ সকল পর্কদিন পাড়তে পারে। বাহা হটুক, শরীরের কিছুমাত্র অনিষ্ট নাহি, অনেক ইষ্ট আছে, এমত স্থলে এই দারিদ্র্য-পীড়িত দেশে মহাপকারী উপবাসের ফলে অর্থের উদ্ভূতি কখনই অবাঞ্ছনীয় নহে।

ছোট ছোট বালক-বালিকাদিগকেও অল্প অল্প উপবাস করাইবে। তবে “খাব খাব” করিয়া বিরক্ত করিলে, একটু একটু হুঙ্ক দিবে। ক্রমে তাহারা ইচ্ছাপূর্বক (অন্ততঃ বিনাকষ্টে) উপবাস করিবে।

উপবাসে কোন ভয় নাই। আমাদের যত রোগ, তাহার অধিকাংশই অতিরিক্ত ও কুখাদ্যযুক্ত-ভোজন-জনিত; কিন্তু উপবাস-জনিত নহে। বিধবারা অনেক উপবাস করেন, তাহাদের সুস্থ ও তেজঃপূর্ণ শরীর দেখিয়াও কি কিছু শিক্ষা লাভ করা যায় না? পুরোহিত ঠাকুরেরাও অনেক উপবাস করেন। আমরা দেখিয়াছি, অনেক বৃদ্ধ পুরোহিত ঠাকুর দুর্গোৎসবের সময় দক্ষিণাস্ত শেখ না করিয়া জলস্পর্শও করেন না। তাহারা কেমন কষ্ট ও সুস্থ! কে কোথায় শুনিয়াছে যে, ঐ ব্যক্তি উপবাসে রোগগ্রস্ত হইয়াছেন? দীর্ঘকাল না খেলে, প্রাণীমাজ্জেই মরিবে, সে নিম্নে অনশু কোন সন্দেহ নাই; কিন্তু সর্প, ভেক—বহুদিন এবং সিংহ, ব্যাঘ্র প্রভৃতি জন্তু অনেক দিন অনাহারে থাকে; কিন্তু তাহারা কেমন সুস্থ ও সবল!

উপবাসে কোন ভয় নাই; তবে একরূপ ভয়ও আছে; সে ভয় উপবাসের জন্তু নয়, সে উপবাসের ভয়ের ভয়! উপবাস করিলে আমি মরিয়া যাটব বা কাতর—হুর্সল—পীড়িত হইব, এই যে একটি সংস্কার, তাহা সেই সংস্কার-জনিত ভয়। বস্তুতঃ উপবাসে সাধারণতঃ কোনই ভয় নাই।

পরীক্ষা করিয়া দেখা হইয়াছে যে, ৪০।৫০ দিন

উপবাসেও মানুষ মরে না। ঘোর দুর্ভিক্ষ-কালে মানুষ উপবাসে মরে বটে, কিন্তু সে 'মরিব' এই ভয় প্রথম হইতে হৃদয়ে পোষণ করে বলিয়াই শীঘ্র মরিয়া যায়। সাধারণের পক্ষে এ পরীক্ষার প্রয়োজন নাই। তাঁহারা সপ্তাহে এক দিন, দুই দিন এবং তৎপরে ক্রমে তিন দিন উপবাস করিয়া দেখিবেন। ক্রমশঃ নিজেরাই বুঝিতে পারিবেন যে আবশ্যিক-মত সাময়িক উপবাসই স্বাস্থ্যের মূল। সাধারণতঃ মিতাহারী অর্থাৎ একটু অল্পাহারীই হইবে। শাস্ত্র বলেন—
 "লঘ্বাশী নাবসীদতি"—লঘু-আহারকারী কখনও অবসাদ-প্রাপ্ত হন না। আমিষ-নিরামিষের কথা এখানে কিছু বলিব না। বাঁহারা মৎস্য মাংসাদি পরিত্যাগ করিতে পারেন নাই, তাঁহারা যেন উহা ক্রমে কমাষ্টয়া দেন। তবে নিরামিষই খাও বা আমিষই খাও, যত কম করিয়া পার, খাইবে। সাময়িক উপবাস যেমন স্বাস্থ্যের মূল, দৈনিক অল্প আহারও তদ্রূপ। উপবাসের পর দিন, নিত্য যেরূপ আহার কর, তাহা অপেক্ষাও কম করিবে। আহাৰান্তেই জল পান করিবে না; আহাৰের এক প্রহর বা তিন ঘণ্টার পর জলপান করিবে। অন্ততঃ পক্ষে অর্ধপ্রহর বা দেড় ঘণ্টা অপেক্ষা করা অতি আবশ্যিক। ঠাণ্ডা ও সর্দি আদি লাগিলে, গরম জল খাইবে এবং উহা যত পার, খাইবে; তাহাতে উপকার ভিন্ন অপকার নাই। মানুষের সর্বপ্রকার আহাৰের মধ্যে দুগ্ধ ও ফলই ভাল। বালক, বৃদ্ধ, যুবা, সকলের পক্ষেই ভাল। তন্মধ্যে দুগ্ধ শিশু ও বৃদ্ধের পক্ষে অধিকতর উপযোগী।

আমাদের দেশে অনেকে উপবাসাদির দিন বরং কিছু অতিরিক্তই আহার করেন! একাদশীর উপবাস—আ'জ ভাঁত খাইব না, কিন্তু খাব কি—না ময়দা বা আটা। তাতে আবার নানা উপকরণের ঘট। আটাটা ভাঁত হইতে লঘু পথ্য কি না (!) বিচারটা মন্দ নয়। অভোজনের দিনেই ভূরি-ভোজন! ফলিতার্থে উহা উপবাসের উপহাস মাত্র। ধর্মের হিসাবেই কর বা স্বাস্থ্যের হিসাবেই কর, একরূপ উপবাসে ধর্ম ও স্বাস্থ্য, উভয়েরই হানি। শেষে হয়ত বা প্রাণ নিয়া টানাটানি! উপবাস করিতে হইলে, রীতিমত কর। যদি নিতান্ত অশক্ত হও, কিছু দুগ্ধ পান কর। দুগ্ধেই দেহ-রক্ষণোপযোগী সমস্ত পদার্থ বর্তমান।

প্রাচীন কালে হিন্দুগৃহে একাদশীর দিন গো-অশ্বদিগেরও উপবাস করিতে হইত। গো-অশ্ব প্রভৃতিরও শরীর-রক্ষার জন্য উপবাস যে প্রয়োজনীয়, আমাদের তাহা বুঝা উচিত। কুকুর-বিড়াল প্রভৃতিকে মধ্যে মধ্যে স্বতঃসিদ্ধ প্রাকৃতিক শিক্ষায় উপবাস করিতে দেখা যায়। ফলে পশুদিগেরও উপবাস আবশ্যিক।

উপবাসাদিতে ধ্যান-ধারণার সাহায্য হয়; এ কথা সকলে স্বীকার করিতে প্রস্তুত হইবেন না, কারণ, উপবাসের অভিজ্ঞতা তাঁহাদের নাই। তবে মোটামুটি বুঝুন, ভুঁড়ি বা পেট অপরিষ্কার থাকিলেই, মুড়ি (মাথা) অপরিষ্কার থাকে। Tympanitis এর সঙ্গে সঙ্গেই দেখিবে, brain এর Congestion হয়। রোগীর পেট ফাঁপিলেই মুঞ্চিল! ডাক্তার তখনই enema দিয়া কুণ্ড মল বাহির করিয়া

দেন। না দিলে, তাহার মস্তিষ্কের বিকার হয়। অতিরিক্ত
 আহার করিলে, পেট ভরা থাকিলে, মাথা খেলে না।
 বড় লোকের ছেলেরা ভুঁড়ি লইয়া বিব্রত, স্মরণাং
 অনেকেরই মুঁড়ী (মাথা) আদৌ খেলে না। আহার কম
 করিলে, অগ্রান্ত অঙ্গ-প্রত্যঙ্গ যেরূপ সবল হয়, মস্তিষ্কও
 তদ্রূপ সবল হয়। ভাই! বিশ্বাস না কর, নিজেই পরীক্ষা
 করিয়া দেখ। একেবারেই ত কম খাইতে বলা হইতেছে না,
 তাহাতেও ত শীরস কৃশ ও দুর্বল হইবে, ফলে সাধারণতঃ
 একটু কম কম খাওয়াই ভাল। শাস্ত্র তাহাকেই মিতাহার
 বলিয়াছেন। গীতায় উক্ত হইয়াছে—“নাত্যশ্নতস্ত যোগোস্তি
 নটৈকাস্তমনশ্চতঃ।” অর্থাৎ অতাহার ও অত্যাহার,
 উভয়ই স্বাস্থ্যের বিরোধী; স্মরণাং যোগের হানিজনক।
 দেহের প্রধান যন্ত্রই মাথা। অতাহারে সেই মাথারই
 ‘মাথা-খাওয়া, হয়! স্বাস্থ্যই ধর্মসাধনের মূল; “শরীরমাছুং
 থলু ধর্মসাধনম্।” রুগ্ন ব্যক্তি দ্বারা জগতের কোন
 কার্যই হয় না। ‘ধর্মই বল, আর কর্মই বল, আরোগ্য
 ভিন্ন সব অসম্ভব। শাস্ত্র বলেন—ধর্মার্থকামমোক্ষাণামা-
 রোগ্যাং মূলমুত্তমম্ ” উপবাসই সেই আরোগ্য বা স্বাস্থ্যের
 মূল; স্বাস্থ্যই চতুর্ধর্মসাধনের উত্তম মূল। অতএব ষণা-
 সম্ভব উপবাস অভ্যাস অবশ্য কর্তব্য। .

আবার বলি, উপবাসে ভয় নাই। আমার তিন ক্রোশ
 পথ হাঁটিতে হইবে, উপবাস করিয়া কি করিয়া পারিব?
 কিন্তু কোন ভয় নাই; দেখিবে, ভরা পেটের চেয়ে খালি
 পেটে হাঁটা ষাট বেলা;—ব্যায়াম হয়, ক্ষুধা বাড়ে। পরে

শ্রমণাস্তে মিতাহার করিলে, তুষ্টি, পুষ্টি, ক্ষুণ্ণিরক্তি ও বলবৃদ্ধি সহজে ও সুখে সম্পাদিত হয় । অতএব সাধারণতঃ কম-কম খানে, আর মাঝে মাঝে উপবাস করিবে । ইহাতে যদি শরীর ক্ষুণ্ণ না হয়, উপবাসী, care of Editor, Hindu Patrika, ঠিকানায় পত্র লিখিবে, আমি বিনা-পয়সায় তোমার স্বাস্থ্যের বিধান করিয়া দিব । বার বার বলি, উপবাসে কোন ভয় নাই । উপবাস কর, Malaria, Cholera, Small pox, Plague, Headache, Rheumatism, Gout, প্রভৃতি কোন রোগের ভয় থাকিবে না । উপবাস ভয়ের কাবণ নয়, বরং অভয়েরই কারণ । উপবাস রোগীর আশ্রয়, ভোগীর রক্ষা-কবচ, যোগীর সাধন-সহায় । আমাদের শরীরের জন্ত যতটুকু দরকার, তাহার অতিরিক্ত খাইলেই সেগুলি পেটে গিয়া পচে এবং সমস্ত শরীর সেই অজীর্ণ-রসোদ্ভূত বিষাক্ত পদার্থ দ্বারা আক্রান্ত হয় । মল-মূত্র দ্বারা যদি ঐ বিষাক্ত পদার্থগুলি বাহির না হইতে পারে, তাহা হইলেই আমরা কোন না কোন কঠিন ব্যাধি দ্বারা আক্রান্ত হই । সাধারণতঃ যাহার যে যন্ত্রগুলি দুর্বল থাকে, ঐ বিষাক্ত পদার্থ দ্বারা সেই যন্ত্রগুলিই অধিক অভিভূত হয় এবং আমরা সেই যন্ত্রের ব্যাধি-গ্রস্ত হই । ঐ বিষাক্ত পদার্থ যন্ত্রগুলিকে নিস্তেজ করিয়া ফেলে, শোণিত-প্রবাহিনী শিরাগুলিকে দুর্ভরসে রুদ্ধ করিয়া ফেলে । শুদ্ধ রক্তের সঞ্চালন হয় না । যাহা সঞ্চালিত হয়, সে দূষিত রক্ত । সুতরাং সমস্ত শরীর বিষে জর্জরিত হয় । মানুষ কঠিন রোগে আক্রান্ত হয় । সে এক দিন হই

দিনের অনিয়মে নয় । বিধাতা আমাদেরকে এমনি করিয়া গঠিত করিয়াছেন যে, সামান্য সামান্য অনিয়ম করিলে, যন্ত্রগুলি নিজে নিজেই স্বয়ং তাহার প্রতিকার করিয়া লয় ; কিন্তু বেচারারা যখন আর পারে না, ল'ড়ে পিটে হুয়রণ হয়, তখন হা'র মানিয়া বসে, আর আমরা ব্যাধিগ্রস্ত হই ।

শরীর রোগগ্রস্ত ও দুর্বল হইলে, তখন বাহিরের শত্রু আসিয়া সহজে আমাদেরকে অভিভূত করে । দুর্বল শরীরেই, Pneumonia, Tuberculosis, Typhoid fever প্রভৃতি রোগ-বিষ সহজে অনিষ্ট করিতে পারে । “শক্তের ভক্ত, নরমের গরম” এ প্রবাদ এখানেও প্রমাণিত হয় । রোগ আমাদের আত্মদোষেরই স্বেচ্ছা-গৃহীত দণ্ড । শাস্ত্র বলেন—

“রোগ-শোক-পরিভাপ-বন্ধন-বাসনানিচ ।

আত্মাপরাধ বৃক্ষস্ত ফলান্তে তানি দেহিনাম্ ॥”

রোগ, শোক, পরিভাপ, বন্ধন ও বাসন—আমাদেরই নিজ-দোষ-রূপ বৃক্ষের ফল । উপবাস এই রোগ-রূপ বিষ ফলের বৃক্ষের অত্যাহার-রূপ আত্মদোষ-বীজের ধ্বংস-সাধক ; সুতরাং বোঝাক্রমে আত্মরক্ষার এক প্রধান উপায়ই এই উপবাস ।

উপবাস আরম্ভ করিলেই, যখন ক্ষুধার উদ্দেক হয়, তখন না খাইলেই আমাদের পাকস্থলীর secretions বন্ধ হয়, ইহাকেই মোটামুটি কথায় আমরা ‘পিত্তপড়া’ বলি । ক্ষুধার secretions বেশী হয়, তার পর না খাইলে, উহার

যখন দেখে যে, বাহির হইয়া কোন লাভ নাই, উহাদের হজম করার কিছু নাই, তখন উহারা চূপ করিয়া যায়। তখন হয় কি, না আমাদের হজম করার যত যত্ন আছে, তাহারা বিশ্রাস্তি লাভ করে। তখন গৃহ-পরিষ্কার কার্যই আরম্ভ হয়। আ'জ পাক-শাক কিছু হইল না, গৃহিণী রান্নাঘর ধুয়ে ছাপ-ছাপাই করিয়া ফেলিলেন। ভিতরেও তাহাই হয়। আভ্যন্তরিক ধৌতি আরম্ভ হয়। দেহযন্ত্রের তন্ত্রধারিণী প্রকৃতির রীতিই এই। তাই উপবাস শরীর-শোধক, বিকৃতযন্ত্র-শাসক, রোগবীজ-নাশক এবং ছুঁষ্ট রসের শোধক ও সংস্কারক।

এনিমা প্রভৃতির ব্যবহার ব্যতীতও যথেষ্ট পরিমাণে জল পান দ্বারা এই আভ্যন্তরিক ধৌতি কার্যের বিশেষ সহায়তা হয়। যখন পেট খালি হইয়া গেল, তখন দেখিবে, জিহ্বা পরিষ্কার হইয়া গিয়াছে, মুখে দুর্গন্ধ মাত্রে নাট, মুখের 'মিষ্টি মিষ্টি ভাব' নাই; শরীর লঘু ও মন সুস্থ হইয়াছে, কার্যে প্রবৃত্তি হইয়াছে, ক্ষুধা বেশ লেগেছে। কিন্তু উপবাসান্তে ক্ষুধা লাগিলেও বেশী খাইবে না। বরং "আধ পেটা" ভাল, তবু "ভর পেটা" ভাল নয়। আমাদের একটা মেয়েলী প্রবাদ আছে "উন ভাতে ছনো বল, ভরা ভাতে রসাতল।" কপাটার প্রতিবর্ণ স্বর্ণময় সত্য। উপবাসের উপকারিতা এদেশে চিরসুপ্রসিদ্ধ বলিয়া, শাস্ত্র হইতে সামান্য গ্রাম্য প্রবাদবাক্য পর্য্যন্ত তাহার সাক্ষ্য দিতেছে। উপবাসে অবহেলা বা অপারগতা এবং ঔদরিকতা, আর দারিদ্র্যদোষে অপুষ্টিকর কুপথ্যপুঞ্জ সেই ঔদরিকতার

পরিতর্পণই আমাদের ব্যাধিসঙ্কলতা ও অন্নায়ুতার প্রধান নিদান। পাকস্থলীতে যে পরিমাণ আহার ধরে, তাহার অর্ধেক খাওয়াই যোগশাস্ত্রের ব্যবস্থা। চিকিৎসাশাস্ত্রেও তাহাই বলে, যথা,—

“ভোজ্যেন পুরয়েদর্কঃ পাদমেকস্ত বারিণা।

মরুতশ্চালনার্থঞ্চ চতুর্থমবশেষয়েৎ ॥”

অর্থাৎ পাকস্থলীর অর্ধ-ভাগ ভোজ্যে ও সিকি ভাগ জলে পূর্ণ করিবে, ৪র্থ সিকি ভাগ বায়ু-চলাচলার্থ শূন্য রাখিবে। তবেই দেখ, শাস্ত্রমতে ঠিক “আধপেটা” আহার-গ্রহণই স্বাস্থ্যকর। মোট কথা, ভাতে-জলে বারো আনার বেশী না হয়, এই হিসাবে খাইবে। আর বিশুদ্ধ বায়ু সেবন করিবে, বিশুদ্ধ জল পান করিবে, লঘু ও পুষ্টিকর আহার করিবে; সপ্তাহে অন্ততঃ একদিন এবং অমাবস্যা, পূর্ণিমা ও দুই একাদশীতে* উপবাস করিবে; দেখিবে, তোমার কোন রোগ থাকিবে না।

যদি বলবান্ হইতে চাও, নিয়মিত উপবাস কর; যদি অর্থ বাঁচাইতে চাও, উপবাস কর; যদি ধর্ম অর্জন

* শাস্ত্র বলেন—

“অন্নমাত্রিত্য পাপানি তিষ্ঠন্তি হরিবাসরে।

হরিবাসর অর্থাৎ একাদশী-দিনে সমস্ত পাপ আহার্য বস্তুকে আশ্রয় করিয়া থাকে—অর্থাৎ একাদশীতে আহার করিলে সর্বপাপভাগী হইতে হয়। ধর্মোন্নত ভারতের জ্ঞান শাস্ত্রের এই শাসন-বাক্যের স্মরণ লক্ষ্য-রহিত সুধীজন বুঝিবেন।

করিতে চাও, উপবাস কর ; যদি অধিক শারীরিক শ্রম
করিতে চাও, উপবাস কর ; যদি অধিক মানসিক পরিশ্রম
করিতে চাও, উপবাস কর ।

পূর্বেই বলিয়াছি, ধর্ম, অর্থ, কাম, মোক্ষ, এই চতুর্কর্ম-
সাধনের প্রধান উপায় শরীররক্ষা ; আবার শরীররক্ষার
প্রধান উপায় উপবাস । অতএব নিয়মিত উপবাস কর ।
উপবাসেই জীবন, উপবাসেই আমাদের সর্কার্থ-সাধন ।
শাস্ত্র ভগবদ্বাক্য বলিয়াই উহা স্বতঃসিদ্ধ ‘আপ্ত’ প্রমাণ ।
সেই শাস্ত্রে ঋষি-বাক্যের উপলক্ষ্যে—ঐ শুন, ভগবান্‌ই
বলিতেছেন—“সর্কার্থদং তপশ্চর্য্যং উপবাসং কলৌযুগে ।”
কলিযুগে উপবাসই সর্কার্থসাধন তপশ্চা । কলিযুগে “অন্নগত
প্রাণ” বলিয়াই, সাধারণতঃ অত্যাহারে সেই প্রাণদ অন্নের
অপব্যবহার হয় ; অতএব উপবাস-রূপ সাময়িক অনাহার
ও দৈনিক অনাহার-রূপ মিঠাহারই কলির মানবের
অবশ্য কর্তব্য ।
